


www.bhtelecom.ba

Dioničko društvo BH Telecom Sarajevo
Franca Lehara 7, 71000 Sarajevo, BiH



Broj: 01-46-59596-5/20 5707

Sarajevo, 04.12.2020. godine

U skladu sa članom 20a. st. (1) i (2) Zakona o radu („Službene novine F BiH“ br. 26/16 i 89/18) i članom 4. Uredbe o postupku prijema u radni odnos u javnom sektoru u Federaciji BiH („Službene novine F BiH“ broj: 13/19), a na osnovu člana 98. Statuta Dioničkog društva BH Telecom Sarajevo, broj: 00.1-03-17072/20-10 od 29.06.2020. godine, te u vezi sa tačkom II Odluke o objavljivanju javnog oglasa za prijem u radni odnos u Dioničkom društvu BH Telecom Sarajevo, broj: 01-46-59596-4/20 od 04.12. 2020. godine, generalni direktor Dioničkog društva BH Telecom Sarajevo objavljuje

JAVNI OGLAS

Za prijem radnika na radno mjesto - **57a. Operator za skladišta, SSS – 1 (jedan) izvršilac, na neodređeno vrijeme, uz probni rad u trajanju od 3 (tri) mjeseca** u Službi za upravljanje zalihama, Sektora za nabavke u Izvršnoj direkciji za ekonomsko finansijske poslove, sa mjestom rada u Sarajevu.

Opis poslova i radnih zadataka:

1. Vršiti unos i ažuriranje MSM i MSD za dobavljače;
2. Obavlja poslove otvaranja i ažuriranja šifri svih materijala u SAP sistemu;
3. Obavlja administrativne poslove za službu;
4. Upravlja zalihama kontrolom nabavnih zahtjeva, naloga za skladišna kretanja i starosne strukture;
5. Podnosi izvještaje i daje informacije neposrednom rukovodiocu i po potrebi direktoru Izvršne direkcije;
6. Vršiti kontrolu ispravnosti dokumentacije (skladišnih kretanja) koja se dostavlja na knjiženje u Generalnoj direkciji;
7. Predlaže brisanje šifri iz sistema koje se ne koriste i na kojima na stanju nema materijala.

I Opšti uslovi

- da je kandidat državljanin Bosne i Hercegovine;
- da ima opštu zdravstvenu sposobnost za obavljanje poslova navedenog radnog mjesta (samo kandidat koji bude izabran dužan je da u roku od 5 dana od dana konačnosti Odluke o prijemu u radni odnos, dostaviti ljekarsko uvjerenje o zdravstvenoj sposobnosti, kao dokaz da njegovo zdravstveno stanje i psihofizičke sposobnosti odgovaraju uslovima radnog mjesta).

II Posebni uslovi

- SSS (IV stepen stručne spreme), završena Srednja ekonomska škola;
- radno iskustvo nakon sticanja potrebne stručne spreme na istim ili sličnim poslovima, u trajanju od najmanje 6 (šest) mjeseci.

III Način prijave:

Kandidat je dužan dostaviti svojeručno potpisanu prijavu, koja sadrži adresu, kontakt telefon i kratku biografiju.

Uz prijavu se obavezno dostavlja:

- Diploma ili svjedočanstvo o sticanju tražene stručne spreme;
- Izvod iz matične knjige rođenih;
- Uvjerenje o državljanstvu;
- Uvjerenje ili potvrda poslodavca o dužini radnog iskustva nakon sticanja potrebne stručne spreme na istim ili sličnim poslovima u trajanju od 6 (šest) mjeseci, koja **obavezno** treba da sadrži: **osnovne podatke o kandidatu, naziv radnog mjesta, stručnu spremu radnog mjesta na kojem je kandidat stekao radno iskustvo, trajanje radnog odnosa i kratak opis poslova radnog mjesta na kojem je kandidat radio** (radna knjižica i potvrda nadležnog PIO/MIO o ostvarenom radnom stažu ne prihvataju se kao relevantan dokaz o radnom iskustvu).

Napomene:

- **Svi traženi dokumenti trebaju biti original ili ovjerene kopije;**
- **Ukoliko na obrascu Izvoda iz matične knjige rođenih nema naznake da je bez roka važenja, isti ne može biti stariji od 6 (šest) mjeseci;**
- **Uvjerenje o državljanstvu ne može biti starije od 6 (šest) mjeseci;**
- **Uvjerenje ili potvrda poslodavca o dužini radnog iskustva koje ne sadrži sve elemente iz tačke III stav (2) alineja 4. ovog oglasa, smatrat će se nepotpunom.**



www.bhtelecom.ba

Dioničko društvo BH Telecom Sarajevo
Franca Lehara 7, 71000 Sarajevo, BiH



IV Javni oglas za podnošenje prijava ostaje otvoren 8 (osam) dana od dana objavljivanja u dnevnom listu.

Prijave sa dokazima o ispunjavanju uslova traženih javnim oglasom, dostavljaju se u zatvorenoj koverti neposredno na protokol Dioničkog društva BH Telecom Sarajevo ili putem pošte na adresu:

Dioničko društvo BH Telecom Sarajevo
Sa naznakom "Prijava na javni oglas za radno mjesto 57a. Operator za skladišta u Izvršnoj direkciji za ekonomsko
finansijske poslove – ne otvarati"
Ul. Franca Lehara br. 7
71000 Sarajevo

Neuredne, nepotpune i neblagovremene prijave neće se uzeti u razmatranje.

Dioničko društvo BH Telecom Sarajevo će lične podatke kandidata dostavljene u prijavi i prijavnoj dokumentaciji obrađivati u svrhu provođenja postupka prijema novog radnika.

Dokumenti priloženi uz prijavu vratit će se kandidatima u roku od 6 (šest) mjeseci od dana konačnosti Odluke o prijemu u radni odnos.

GENERALNI DIREKTOR


mr. Sedin Kahriman, dipl. ing. saob. i kom.

